



Starfsörorkutrygging vegna veikinda

Skilmáli nr. SJ13

Tryggjandi er VÍS tryggingar hf., kt. 670112-0470, hér eftir nefnt „VÍS“.

Um trygginguna gildir:

- Skírteinið ásamt áritunum og sérskilmálum.
- Skilmáli þessi nr. SJ13.
- Almennur skilmáli VÍS nr. YY10.
- Lög um váttryggingarsamninga nr. 30/2004.

Skírteini og endurnýjunarkvittun ganga framár skilmálum. Skírteini, endurnýjunarkvittun og skilmálar ganga framár frávíkjanlegum lagaákvæðum.

Starfsörorkutrygging vegna veikinda er fyrir þau sem vilja vera vel tryggð ef þau fá sjúkdóm sem leiðir til þess að þau geta ekki stundað vinnu sína lengur.

Skilmáli segir til um hvaða réttindi og skyldur þú og VÍS hafið. Skírteini staðfestir að þú hafir keypt tryggingu hjá VÍS. Skírteinið er aðgengilegt með því að skrá sig inn á vis.is.

1. Hver er tryggður?

- 1.1 Tryggður er sá sem tilgreindur er í skírteini eða endurnýjunarkvittun.

2. Hvar gildir tryggingin?

- 2.1 Tryggingin gildir á Íslandi.
- 2.2 Tryggingin gildir hvar sem er í heiminum í allt að sex mánuði talið frá brottfarardegi frá Íslandi, nema um annað sé samið.

3. Hvað bætir tryggingin?

- 3.1 VÍS greiðir bætur vegna sjúkdóms sem tryggður fær, ef hann leiðir til:
 - a) Varanlegrar starfsörorku.
 - b) Tímabundins missis starfsorku.
- 3.2 Bótaþættir sem tryggingin tekur til koma fram í skírteini eða endurnýjunarkvittun.
- 3.3 VÍS greiðir dagpeninga fyrir það tímabil sem tryggður er í sóttkví á heimili eða sjúkrahúsi að fyrirætlum heilbrigðisyfirvalda. Bætur greiðast á sama hátt og við sjúkdóm í slíkum tilfellum.
- 3.4 VÍS greiðir kostnað vegna nauðsynlegra læknisvottorða í tengslum við tjónsatburð þegar þeirra er aflað að beiðni VÍS.

4. Hvað bætir tryggingin ekki?

- 4.1 VÍS greiðir ekki bætur vegna sjúkdóms:
 - a) Sem hafði sýnt einkenni áður en tryggingin gekk í gildi, nema að VÍS hafi vitað um sjúkdóminn við gildistöku og veitt trygginguna þrátt fyrir það.
 - b) Af völdum ljósabaða, lækningameðferðar, skurðaðgerðar eða lyfjanotkunar, nema meðferðin sé að læknisráði vegna bótaskylds sjúkdóms og gerð á viðurkenndri heilbrigðisstofnun.
 - c) Af völdum eittraðra lofttegunda, nema eitrunin hafi orðið skyndilega og án vilja tryggðs.
 - d) Sem stafar af neyslu áfengis eða fíkniefna.
 - e) Sem beint eða óbeint orsakast af völdum hryðjuverka vegna hvers konar líffræðilegra eða efnafræðilegra áhrifa og/eða eitrunar, þ.m.t. vegna sýkla og veira, eða þegar afleiðingar sjúkdóms verða meiri vegna framangreindra atriða.
- 4.2 VÍS greiðir ekki bætur fyrir starfsorkumissi sem kona verður fyrir á meðgöngutíma, við fæðingu eða fósturlát, nema því aðeins að missir starfsorkunnar sé af völdum fylgikvilla. Í slíkum tilfellum er biðtími eigi skemmri en einn mánuður.
- 4.3 Tryggingin bætir ekki tjón eða aukningu á tjóni sem beint eða óbeint hlýst af eða er af völdum jarðskjálfta, eldgoss, skriðufalls, snjóflóðs eða annarra náttúruhamfara.



5. Verð

- 5.1 Verð tryggingarinnar ákvarðast af aldri tryggðs.
- 5.2 Verð breytist við endurnýjun tryggingarinnar í samræmi við aldur tryggðs og breytingar á vísitölu neysluverðs.

6. Aldurstakmörk

- 6.1 Tryggingin fellur úr gildi þegar tryggður nær 67 ára aldri.

7. Tryggingarfjárhæð

- 7.1 Hámarks tryggingarfjárhæðir vegna örorkubóta og dagpeninga koma fram í skírteini eða endurnýjunarkvittun.
- 7.2 Tryggingarfjárhæðir breytast í samræmi við vísitölu neysluverðs.
- 7.3 Bætur reiknast á grundvelli tryggingarfjárhæða við upphaf sjúkratímabils eins og hér segir:
 - a) Örorkubætur breytast í réttu hlutfalli við breytingu vísitölnnar frá upphafi sjúkratímabils til uppgjörsdags. Vísitölubinding örorku varir þó aldrei lengur en í þrjú ár frá upphafi sjúkratímabils.
 - b) Dagpeningar breytast í réttu hlutfalli við breytingu vísitölnnar frá upphafi sjúkratímabils meðan starfsorkumissir varir.

8. Ákvörðun bóta

- 8.1 Bætur vegna varanlegrar starfsörorku
 - 8.1.1 Valdi sjúkdómur tryggðum varanlegri starfsörorku greiðast örorkubætur.
 - 8.1.2 Lægrri varanleg örorka en 25% bætist ekki. Við ákvörðun örorkunnar skal meta hana með tilliti til getu tryggðs til áframhaldandi þeirra starfa sem getið er um í skírteini eða endurnýjunarkvittun. Sjúkdóma sem eingöngu valda lýti skal ekki meta til örorku. Ef líkur eru til, að ástand tryggðs megi bæta með skurðaðgerðum eða öðrum slíkum aðgerðum ber að taka tillit til hugsanlegs bata, sem slíkar aðgerðir kynnu að hafa í för með sér. Vegna 100% varanlegrar starfsörorku greiðist öll tryggingarfjárhæðin en við minni örorku hlutfallslega. Örorkan getur aldrei talist meiri en 100%.
 - 8.1.3 Örorkan skal að jafnaði metin einu ári eftir upphaf bótaskylds sjúkratímabils og eigi síðar en þegar greiðslum dagpeninga lýkur, sbr. gr. 8.2 með hliðsjón af ástandi hins sjúka þá.
 - 8.1.4 Leiði slys til varanlegrar starfsörorku skulu VÍS og tryggður koma sér saman um einn hæfan matslækni til þess að meta afleiðingar slyssins.
- 8.2 Bætur fyrir tímabundinn missi starfsorku
 - 8.2.1 Valdi sjúkdómur tryggðum tímabundnum missi starfsorku er nemur 50% eða meira greiðir VÍS dagpeninga. Dagpeningarnir greiðast í hlutfalli við starfsorkumissinn frá lokum biðtíma og svo lengi sem tryggður er óvinnufær að mati læknis eða þar til örorkumat hefur farið fram. Dagpeningar greiðast þó ekki lengur en í þann hámarksbótatíma er kemur fram í skírteini eða endurnýjunarkvittun og ekki eftir að þrjú ár eru liðin frá upphafi sjúkratímabils.
 - 8.2.2 Sjúkratímabil er það tímabil þegar stöðugur missi starfsorku er fyrir hendi af völdum sjúkdóms hvort sem einn sjúkdómur eða fleiri liggja til grundvallar missi starfsorkunnar.
 - 8.2.3 Með biðtíma er átt við það tímabil sem samkvæmt skírteini eða endurnýjunarkvittun á að líða frá upphafi sjúkratímabils þar til dagpeningagreiðslur hefjast. Fyrir þetta tímabil eru ekki greiddir dagpeningar.
 - 8.2.4 VÍS tekur ákvörðun um greiðslu dagpeninga á grundvelli læknisvottorða og annarra gagna sem fyrir liggja.
 - 8.2.5 Stafi starfsorkumissir tryggðs að einhverju leyti af öðrum orsökum en sjúkdómnum lækka dagpeningar í beinu hlutfalli við það hvern þátt þessar orsakir eiga í missi starfsorkunnar.
 - 8.2.6 Bætur fyrir sama sjúkdóm eða sama sjúkdómstilfelli greiðast eigi lengur samanlagt en í þann tíma er kemur fram í skírteini eða endurnýjunarkvittun. Sama gildir um sjúkdóma sem læknisfræðileg tengsl eru á milli.
 - 8.2.7 Þegar skemmma er á milli sjúkdómstilfella en nemur þeim hámarks bótatíma er fram kemur í skírteini eða endurnýjunarkvittun eru sjúkratímabilin lögð saman og bætur ekki greiddar lengur en í framangreindan hámarkstíma.
 - 8.2.8 Þegar nýtt sjúkratímabil hefst innan tólf mánaða frá því að síðasta sjúkratímabili lauk styttist biðtíminn um samanlagða lengd sjúkratímabila sem voru lengri en 7 dagar og féllu í heild eða að hluta innan þessara tólf mánaða. Fyrir hið nýja sjúkratímabil gildir þó minnst 7 daga biðtími sé



- missir starfsorku ekki augljóslega bein afleiðing af sama sjúkdómi og áður.
- 8.2.9 Bætur eru ekki greiddar samtímis fyrir starfsorkumissi af völdum slyss og sjúkdóms.
- 8.3 VÍS er heimilt að láta lækni, að vali VÍS, skoða tryggðan.
- 8.4 VÍS er heimilt að afla sér upplýsinga um fyrra heilsufar tryggðs að fengnu samþykki hans.

Það sem fram kemur á hægri spássíu er eingöngu til leiðbeiningar fyrir viðskiptavini en er ekki hluti af texta skilmálans og ekki ætlað til túlkunar einstakra greina hans.